



Hans Enoksen
Inatsisartunut ilaasortaq, Partii Naleraq

§ 37 apeqqummut 135/2019 akissuteqaat

19-03-2019
Sags nr. 2019 - 6800
Akt nr. 10266378

1. Sooruna Kalaallit Nunaanni nappaat Hereditary Multiple Exostoses pillugu malittarisassatigut najoqqutassaqaqqangitsaq?

Svar:

§ 37 317/2018 akissuteqaammi allaaserisatut apeqqutinut tunngavilersuutigineqartunut innersuussanut, nappaat Kalaallit Nunaanni qaqtigoorluinnartuuvuq killilimmik nappaatigineqarluni. Nappaatip qaqtigoortuunerata kinguneraa Dronning Ingridip Napparsimavissuani saarngit nakorsai Danmarkimi immikkut ilisimasalinnik isumasioqateqarnissamik pisariaqartitsisarnerat, taamaasilluni napparsimasut pitsaanerpaamik suliarineqarnissaat qulakkeerneqarsinnaanngorluni. Taamaattumik immikkut ittumik malittarisassiornissaq naleqqutinngilaq katsorsaanerullu ingerlanissaanut pitsaassusaanut tamanna sunniuteqaqqangilaq.

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

2. Naalakkersuisut Kalaallit Nunaanni peqqinnissaqarfinnut nappaat Hereditary Multiple Exostoses pillugu qanoq pilersaaruteqarpat?

Svar:

Peqqinnissaqarfik nappaammik qaqtigoorluinnartunik suussusersisoqartillugu pisuni amerlanerpaani danskit suleqatigisat isumasioqatigineqartassapput, tassunga atatillugu napparsimasumut nakorsartinnissaq periarfissallu nalilersorneqassapput.

3. Nappaatit qaqtigoortut Kalaallit Nunaanni ilisimaneqaqqangitsut qassiuppat aammalu suuppat?

Svar:

Rigshospitalet "nappaatit qaqtigoortut" ataatsimut nassuiaaserpai imatut "nappaatit arlallit, qaqtigoortut, inunnguuserisat, kingornutakkat, anigugassaangitsumik nappaatit, ajornavissut, peruluutit kiisalu suussusersinissaanut, katsorsarnissaanut aamma piginnaanngorsaaqqiinnermi immikkut ilisimasalimmik, paasisimasalimmik teknologimillu pisariaqartitsisut"¹.

Kalaallit Nunaanni taamatut nassuiaasoqartillugu napparsimasut qassiunersut kisitsisaatigineqaqqangillat.

4. Nappaatit qaqtigoortut Kalaallit Nunaata peqqinnissaqarfiini qassit aamma suut malittarisassatigut najoqqutassaqaqqangillat?

Svar:

Apeqqut 1-mi akissutigineqartutut, nappaat qaqtigoorluinnartuq akulikitsumik pisut tunngavilugit immikkut ilisimasalinnik isumasioqateqartarnissaq pisariaqartarpoq. Kalaallit Nunaanni napparsimasut pissutigalugit nappaatit anniaatilluunniit taamak

¹ <https://www.rigshospitalet.dk/afdelinger-og-klinikker/diagnostisk/klinisk-genetisk-klinik/undersogelse-og-behandling/Sider/sjaeldne-sygdomme.aspx>

annikitsigitillugit nakorsat soorlu ass. Rigshospitalimit immikkut ilisimasallit ilisimasaat paasisimasaallu aallerfigisarpaat. Taamaaliornikkut napparsimasoq sapinngisamik pitsaanerpaamik suliaritinneqarnera qulakkeerneqartarpoq.

5. Naalackersuisut laboratoriaqalernissaanik (Seruminstitut) pilersaaruteqarpat?

Svar:

Naalackersuisut Kalaallit Nunaanni Serum institutumik pilersitsinissamut pilersaaruteqanngillat.

Inussiarnersumik inuulluaqqusillunga
Med venlig hilsen


Martha Abelsen